



Pou Piblikasyon Imedya: 19/07/2022

GOUVÈNÈ KATHY HOCHUL

**GOUVÈNÈ HOCHUL ANONSE RALPH WILSON PARK CONSERVANCY, VIL
BUFFALO, AK PATNÈ YO TE INOGIRE AVNI PAK RALPH WILSON**

**110 milyon dola nan envestisman kolaboratif pral akonpli vizyon kominote a pou
transfòme ansyen pak LaSalle pou tounen nan yon pak inik, klas mondyal bò dlo
Buffalo a**

**Faz i konstriksyon an gen ladan yon pon anblematik pou pyeton an pou pi bon
aksè, amelyorasyon nan teren boul ak reyabilitasyon rivaj la**

Gouvènè Kathy Hochul te anonse jodi a Vil Buffalo ak Ralph Wilson Park Conservancy te kòmanse travay sou Pak Santenè Ralph C. Wilson, Jr. ("Pak Ralph Wilson"), yon pak 40 ekta, klas mondyal ki sitiye bò dlo Buffalo a. Anrasinen nan gid "Imajine LaSalle" la, pwosesis vizyon kominotè pou ansyen Pak LaSalle la, Pak Ralph Wilson lan pral sibi yon transfòmasyon 110 milyon dola nan youn nan espas publik ki pi bèl ak enklizif nan peyi a, k ap sèvi rezidan ak vizitè ki toupre yo nan tout rejyon an ak pi lwen. Non pak la onore eritaj defen antreprenè, veteran, ak filantwòp Ralph C. Wilson, Jr. Li ta dwe fini nan fen ane 2025. Nou ka jwenn aksè nan reprezantasyon yo [isit la](#).

"Jenerasyon fanatic Buffalo Bills yo te konnen angajman fondatè Ralph Wilson te pran anvè Buffalo ak jenerozite pandan lavi li", **Gouvènè Kathy Hochul te deklare.** "Inogirasyon Pak Ralph Wilson Ina pral pote yon transfòmasyon kolaboratif nan pak bò dlo sa a nan yon espas kominotè dinamik, kote jenerasyon alavni yo pral renmen rasanble pou plizyè ane alavni. Sa pral asire lanmou Ralph Wilson pou kominote nou an kontinye fè yon enpak".

Prezidan Konsèy Konsèvasyon an, Belanger, te deklare, "Sa a se pi gwo pak bò dlo Buffalo epi li te yon pati entegral nan kominote Lwès New York depi 1932, lè li te òganize selebrasyon santenè Vil Buffalo. Developman sou anplè sa a rive yon sèl fwa nan tout yon lavi. Pak Ralph Wilson pral klase pami pi bon pak nan peyi a epi gen yon gwo enpak sou katye nou yo. Jenerasyon abitan Buffalo yo pral rasanble isit la epi kreye souvni ki dire tout lavi. Nou fyè dèske n ap travay avèk patnè nan tout kominote a pou ede pak sa a atenn tout potansyèl li kòm yon destinasyon pou Nouyòkè Lwès yo ak vizitè ki soti toupatou nan rejyon an ak pi lwen".

Majistra Byron W. Brown te deklare, "Nan oktòb 2018, Mary Wilson te vini Buffalo epi li te chofe kè kolektif vil nou an lè li te anonsé Fondasyon Ralph C. Wilson, Jr. ap envesti 50 milyon dola pou ede efò Administrasyon mwen an ap fè pou transfòme ansyen Pak LaSalle la pou tounen yon destinasyon bò dlo klas mondal k ap pi byen pwofite bote natirèl anviwònman ki inik sa a. Inogirasyon jodi a se yon etap enpòtan nan pwosesis planifikasyon enklizif ak transparan pou kreye yon 'pak pèp la' ke kominote vwazen an pral jwi, ak tout rezidan Buffalo yo, pou jenerasyon k ap vini yo".

Devlopman Kominote a Mennen

Anplis envestisman 50 milyon dola inisyal li a, Fondasyon an te bay plis finansman pou lanse inisyativ Imagine LaSalle, yon efò kominotè, sou plizyè ane pou eksplor ak [devlope yon vizyon kominotè pou pak](#) la pou transfòme li an yon destinasyon klas mondal pou vwazen, rezidan ak vizitè yo. University at Buffalo Regional Institute (UBRI) te dirije angajman an nan fè patenarya avèk Fondasyon Wilson, Fondasyon Kominotè pou Greater Buffalo, Divizyon Pak ak Lwazi Vil Buffalo, Kòporasyon Devlopman Iben Buffalo (Buffalo Urban Development Corporation, BUDC), Depatman Sèvis Kominotè ak Pwogram Iwazi, ak Biwo Planifikasyon Estratejik Majistra a.

Donatè yo ak pati konsène yo te travay depi lè a pou akonpli vizyon kominote a pou Pak Ralph Wilson. Li fèt pou selebre kilti enklizivite ak divèsite pak la, epi anbrase lanati avèk amenajman enspiran, li pral sibi yon transfòmasyon radikal. Topografi a pral chanje avèk gwo mòn ak vale, aktivite Iwazi aktif ak divès, ak espas jwèt destinasyon pou timoun tout laj. Nouvo konsepsyon an pral ogmante koneksyon katye a atravè yon nouvo pon pou pyeton, maksimize aksè nan dlo pwòp, epi etabli yon rivaj rezistan pou bese efè chanjman klimatik ak nivo lak k ap monte.

David O. Egner, Prezidan ak Direktè Egzekitif Jeneral, Fondasyon Ralph C. Wilson, Jr., te deklare, "Inogirasyon jodi a pa t ap posib san kolaborasyon Vil Buffalo, Eta New York ak anpil patnè ki te reyini ansanm pou pwofite ak bati sou angajman Fondasyon an te pran an 2018, pou onore fondatè nou an, Ralph Wilson. Pwosesis angajman Imagine LaSalle la te bay yon vizyon kominotè anbisyé pou avni Pak Ralph Wilson ki te trase wout la pou gwooup enkwayab patnè, pati ki konsène yo ak fondatè sa yo vin jwenn nou pou sipòte envestisman inik nan lavi sa a nan yon espas publik ki pral ouvri ak akeyan pou tout moun".

Kalandriye Konstriksyon

Pak la pral konstwi sou plizyè faz pandan kèk ane k ap vini yo. Konstriksyon an ta dwe kòmanse nan fen sezón ete a, kòmanse avèk yon pon anblematik (signature bridge) pou pyeton pou bay moun k ap vizite pak la aksè pi fasil nan pak la. Plan yo prevwa tou pou modènizasyon plizyè teren bezbòl ak sòfbòl, ak reyabilite antre pou kreye yon rivaj rezistan pou pwoteje pak la kont pi wo nivo lak ak move tan.

Gen kèk lòt travay ki te déjà fini: Kò Enjenyè Lame Ameriken an te renove siyifikativman dig ki egziste a devan Estasyon Ponpaj Colonel Ward, Otorite Dlo Buffalo te fini

reparasyon enpòtan nan yon kanalizasyon dlo 48 pou, ak amelyorasyon nan pak paten ak Santye Empire State dèyè lojman Waterfront Village la te fini.

Michael Van Valkenburgh Associates, yon konpayi achitekti peyizaj ki baze nan New York ke yo rekonèt atravè monn lan pou konsepsyon iben kreyatif ak inik li yo, te konsevwa pak la an kolaborasyon avèk Vil Buffalo, BUDC, UBRI, ak patnè pwojè Imagine LaSalle. MVVA ap desine tou yon "sè" Pak Ralph Wilson sou Rivyè Detroit la, lòt sant jewografik pou Fondasyon Wilson. Konpayi achitekti ak jeni Schlaich Bergermann Partner (SBP) ap dirije konsepsyon ak konstriksyon nouvo pon pou pyeton ki kouvri I-190 la, ki konekte Pak Ralph Wilson ak katye ki alantou yo. BUDC ak Gardiner & Theobold ap jere tout pwojè a. Yon ekip antrepriz konstriksyon divèrsifye ke Gilbane Building Company dirije, pral founi sèvi jesyon konstriksyon yo.

Patnè Fondatè yo

Premye faz pak la finanse nèt epi pak la an jeneral jwenn plis pase 90 poustan finansman pou sipòte konstriksyon an.

Nan mwa oktòb 2019, Eta New York te bay yon sibvansyon 10 milyon dola pou sipòte konstriksyon pon pou pyeton sa a. Kòporasyon Enstalasyon Anviwònmantal (Environmental Facilities Corporation) Eta New York la te bay 2.5 milyon dola pou antre a, alòske 1.5 milyon dola te soti nan inisyativ Buffalo Blueway Buffalo Niagara Waterkeeper pou mete sou pye aksè publik nan yon sit Blueway nan pak la, ke Empire State Development finanse an pati. Anplis de sa, Depatman Enteryè Ameriken an bay 2 milyon dola pou lakou rekreyasyon an atravè Pwogram Patenarya pou Eritaj Lwazi Anplennè (Outdoor Recreation Legacy Partnership, ORLP).

Vil Buffalo te bay 3 milyon dola pou sipòte nouvo pon pou pyeton an pou konekte katye nan Ba Kot Lès la ak pak la ak bò dlo a. Fondasyon Wilson te bay yon lòt 10 milyon dola nan finansman korespondan pou pon pou pyeton an ak rezistans bò rivaj la pou asire ke vizyon konplè kominate a reyalize. Komisyon Greenway la te bay plis pase 2.5 milyon dola pou sipòte plis koneksyon nan Rivaj la ak Santye Empire State yo, ansanm ak plis sikilasyon nan pak la. MLB-MLBPA Youth Development Foundation, yon inisyativ konjwen ant Major League Baseball ak Major League Baseball Players Association te bay 1 milyon dola pou renovasyon teren bezbòl ak sòfbòl pou jèn yo.

Anplis de sa, Administrasyon Nasyonal Oseyan ak Atmosfè (National Oceanic and Atmospheric Administration, NOAA) a, an kowòdinasyon avèk Ajans Pwoteksyon Anviwònman (Environmental Protection Agency, EPA) Etazini an, te bay 2 milyon dola nan finansman Inisyativ Restorasyon Gran Lak (Great Lakes Restoration Initiative, GLRI) yo pou sipòte travay jeni ak konsepsyon ak aktivite pre-konstriksyon pou restorasyon abita kotyè yo atravè yon patenarya rejonral ak Komisyon Gran Lak (Great Lakes Commission) yo.

NOAA ap rekòmande kounye a yon lòt 10 milyon dola finansman GLRI atravè yon patenarya renouvele avèk Komisyon Gran Lak yo pou konstriksyon pwojè restorasyon

pou ogmante abita kotyè a epi pou konstwi yon rivaj ki pi rezistan. Efò sa yo pral sipòte Plan Aksyon Inisyativ Restorasyon Gran Lak yo, ak Pak Ralph Wilson kòm yon sit abita priyorité pou pwoteje ak restore. Pak la pral sitiye nan Zòn Preyokipan Niagara (AOC), yo konsidere konsa an pati akòz pèt pwason ak abita bét sovaj, ak degradasyon popilasyon pwason yo. Anplis de sa, kolaborasyon Buffalo Niagara Waterkeeper ak Depatman Konsèvasyon Anviwònman (DEC) Eta New York bò rivaj la pral antre nan restorasyon abita ak inisyativ ki gen rapò pou enkli efò Konsèvasyon Tè Lwès New York pou kolekte epi grandi plant natif natal nan zòn antre nan pak la. Fondasyon Nasyonal pou Pwason ak Bèt Sovaj (National Fish and Wildlife Foundation, NFWF) la pral sipòte tou nan plante plis pase 2,600 pye bwa.

Komisè DEC Eta New York la, Basil Seggos, te deklare, "Pak Ralph Wilson alavni an se yon pwojè enteresan ki gen gwo avantaj anviwònmantal pou kominote ki alantou li a, ki bay novo aksè publik nan bò dlo Lak Erie ak Rivyè Niagara, ak edikasyon anplennè ki vize prezèv resous natirèl nou yo. Li sipòte tou angajman DEC nan konsèvasyon bét sovaj, sa ki reprezante yon opòtinite enpòtan pou restore abita bét sovaj ak pwason ki pèdi ak degrade ki te konn rele zòn sa a lakay yo".

Komisè Pak Eta New York la, Erik Kulleseid, te deklare, "Felisitasyon paske nou atenn yon etap enpòtan nan kreyasyon novo pak sa a sou bò dlo enteresan Buffalo a. Pak publik yo se yon pati entegral ak vital nan kominote yo. Li trè gratifyan pou wè Fondasyon Ralph C. Wilson, Jr. ak popilasyon Buffalo a reyini ansanm pou konstwi pak publik bèl ak enklizif sa a".

Administratè Rejyon 2 Ajans Pwoteksyon Anviwònmalal la, Lisa F. Garcia, te deklare, "Se yon jou enteresan pou tout moun ki renmen Buffalo ak Lak Erie. Pwojè sa a te devlope avèk opinyon yon kominote ki istorikman chaje twòp avèk polisyon epi ki pa kapab jwi benefis ki genyen nan bò dlo mèveye sa a. Atravè envètisman Lwa sou Enfstrikti Bipatit la, nou pral fè pwogrè san parèy nan restore ak pwoteje dlo Buffalo yo, pou asire aksè bò dlo ak espas vèt pou tout moun jwi".

Senatè Chuck Schumer te deklare, "Ralph Wilson se te yon bon zanmi mwen, epi pak sa a pral yon omaj apwopriye pou eritaj li ak angajman inebranlab anvè Buffalo. Byento, yon pak modèn ak dinamik pral asire ke aksè publik nan bò dlo a se vrèman pou tout moun. Mwen vle bat bravo pou Fondasyon Wilson pou devouman fèm nan vizyon Ralph, Vil Buffalo pou angajman yo nan pwojè sa a, ak travayè yo ki pral pote enstalasyon publik dènye modèl yo nan bèl pasèl tè bò dlo sa a".

Reprezantan Brian Higgins te deklare, "Angajman Konsèvasyon Ralph Wilson sa a se yon kado ki pral benefise popilasyon Buffalo ak Lwès New York pou jenerasyon k ap vini yo. Pak yo respire trankilite ak enèji nan kominote ki alantou yo. Nou kontan anpil pou n wè travay sa gras a envestisman eritaj ak plis pase 24 milyon dola nan finansman federal. Pwojè a pi byen konekte popilasyon an ak bò dlo yo a, avèk opsyon lwazi ki sen epi avèk youn lòt".

Senatè Eta Tim Kennedy te deklare, "Inogirasyon jodi a amplifye vizyon Ralph C. Wilson, Jr. pou yon pi bon Buffalo nan ankouraje yon espas publik enklizif, kolaboratif ak klas mondal ki pral pote nouvo opòtinite pou selebre bò dlo vil nou an epi kreye toutbon yon pak pou popilasyon an. Envesti nan pwojè sa a se te yon priyrite nan plizyè nivo nan gouvènman an, non sèlman paske li pral pote yon eksperyans Iwazi san parèy nan Queen City, men paske li onore eritaj Mesye Wilson ak angajman li nan avni pi gwo rejyon nou an".

Senatè Eta a, Sean Ryan, te deklare, "Nouvo Pak Santenè Ralph C. Wilson, Jr. a pral yon bèl omaj pou lavi ak eritaj Ralph Wilson ak lespri jenerozite li anvè kominate Buffalo ak Lwès New York. Nouvo pak la pral yon destinasyon bò dlo, ki bay opòtinite Iwazi pou katye ki alantou yo ak moun ki soti toupatou nan rejyon an. Mwen fyè dèské Eta New York te envesti nan gwo pwojè sa a, epi mwen remèsyé Mary Wilson ak Fondasyon Wilson pou lidèchip yo ak angajman dirab yo anvè kominate nou an".

Lidè Majorite nan Asanble a Crystal Peoples-Stokes te deklare, "Pak Ralph Wilson se yon vrè temwayaj sou bagay nou ka akonpli gras a angajman ak kolaborasyon kominate a. Gras a travay di divès patnè nan gouvènman an ak sektè prive a, Buffalo pral gen yon espas rasanbleman klas mondal avèk plis aksè nan bò dlo nou an, epi espas vèt elaji ak amelyore. Pwojè transfòmatè sa a pa t ap posib san travay etonan Fondasyon Ralph C. Wilson Jr., pandan y ap kontinye pote eritaj Ralph Wilson Jr.".

Prezidan Kòporasyon Devlopma Iben Buffalo a, Brandyé Merriweather, ak Vis Prezidan Egzekitif, Rebecca Gandour, te deklare, "Nan non Majistra Byron Brown, Prezidan Konsèy Direktè BUDC a, ak Brendan Mehaffy, Prezidan Komite Anba Lavil BUDC a, nou kontan anpil pou nou selebre inogirasyon Pak Ralph Wilson lan. Anpil remèsiman pou patnè fòmidab pwojè nou yo ki te travay di pandan plizyè ane passe yo pou mennen nou nan pwen sa a. Etabli Pak Santenè Ralph Wilson nan kòm yon destinasyon bò dlo klas mondal koresponn ak vizyon BUDC pou amelyore sans plas nan youn nan katye ki pi divèrsifye nan Vil Buffalo".

Direktè Egzekitif MLB and MLBPA Youth Development Foundation, Jean Lee Batrus, te deklare, "Nou fyè pou nou rejwenn Fondasyon Ralph C. Wilson, Jr. ak tout lòt gwo patnè yo nan revitalizasyon kominotè Pak Ralph Wilson nan. Sipò nou nan pwojè sa a koresponn trè byen ak misyon òganizasyon nou an pou ogmante patisipasyon bezbòl ak sòfbòl pou jèn epi pote diferan kilti ak kominate yo ansanm. Nou pa ka tann pou nou wè achèvman global pak la".

Direktè Egzekitif Komisyón Gran Lak yo, Erika Jensen, te deklare, "Komisyón Gran Lak la fyè de wòli genyen nan amelyore rezistans bò dlo ak amelyore abita pwason ak bèt sovaj nan Zòn Preyokipan Rivyè Niagara a. Pwojè inovatè sa a te devlope pa yon ekip patnè lokal, biznis, eta ak ajans federal devwe, apre yon pwosesis planifikasyon kominotè solid, epi li enkòpore restorasyon abita nan pi gwo transfòmasyon pak la. Nou kontan anpil dèské li pral bay benefis ekolojik ak opòtinite Iwazi pou tout kominate Buffalo a".

Direktè Biwo Konsèvasyon Abita NOAA Fisheries la, Carrie Selberg, te deklare, "Pwojè Pak Ralph Wilson lan pral bay yon pakèt avantaj pou ekosistèm Rivyè Niagara ak Vil Buffalo nan kreye zòn imid kotyè, retire rivaj ki di, epi kreye abita pou yon varyete espès pwason. NOAA fyè dèské li fè patenarya nan yon efò transfòmatè konsa pou kominate lokal la, epi nou kontan wè pwojè a ap dewoule".

Prezidan ak Direktè Egzekitif Jeneral Kòporasyon Enstalasyon Anviwònmantal la, Maureen A. Coleman, te deklare, "EFC kontan pou sipòte pwojè jistis anviwònmantal enpòtan sa a avèk yon sibvansyon 2.5 milyon dola pou inovasyon vèt pou ede restore rivaj Lak Erie a. Pwojè a pral ajoute bèl espas vèt sou rivaj la nan retire dig konkrè epi transfòme li avèk tè imid, ki bay vejetasyon akwatik ak abita pwason ki pral pwospere pi devan epi ajoute rezistans natirèl nan bò dlo a. Non sèlman pwojè sa a pral ofri opòtinite lwazi pou popilasyon Buffalo ak vizitè li yo, men li pral tou amelyore kalite dlo nan Lak Erie nan diminye evènman inondasyon, diminye ewozyon, estoke kabòn, epi founi plis abita pou vejetasyon akwatik, lavi maritim ak bèt sovaj".

Direktè Egzekitif Buffalo Niagara Waterkeeper a, Jill Jedlicka, te deklare, "Pandan senk ane ki sot pase yo, Buffalo Niagara Waterkeeper te kontan dèské I fè pati ekip enkwayab pak sa a nan pwojè inik sa nan tout lavi sou bò dlo vil nou an. Angajman ak vizyon Fondasyon Ralph C. Wilson, Jr., konbine avèk kolaborasyon Vil Buffalo ak plizyè douzèn patnè, pral founi yon eritaj aksè publik ekitab ak ekosistèm an sante nan memwa Mesye Wilson. Waterkeeper onore pou li sipòte travay sa a atravè Inisyativ Buffalo Blueway nou an epi pou ede sekirize fon abita ak ekosistèm enpòtan pou pak sa a. Nou rete yon patnè ki angaje pou nou wè pwojè sa a jiskaske li fini epi pou nou asire egzekisyon reyisi amelyorasyon ekosistèm ak rivaj la".

Konsènan Konsèvasyon Pak Ralph Wilson Ian

Ralph Wilson Park Conservancy se òganizasyon san bi likratif ki te kreye pou travay an patenarya avèk Vil Buffalo pou opere, kenbe, ak ankouraje itilizasyon publik Pak Ralph Wilson, yon pak 40 ekta ki sitiye bò rivaj Lak Erie nan vil Buffalo. Etabli an 2021, The Conservancy an angaje pou li reflete priyorté ki dekri nan pwosesis angajman publik [Imajine LaSalle](#) la epi etabli estrikti kote pak la pral opere ak konsève, avèk yon enterè sou opinyon kominate l ap sèvi a.

The Conservancy pral travay nan tèt kole avèk kominate lokal la ak Depatman Pak Vil Buffalo, pou pran responsablite tankou pi bon antretyen pak, amelyorasyon ki pa estriktirèl, antretyen gazon, ôtikilti, mèb, evènman ak pwogramasyon, konesyon, maketing ak mak. Pou w gen plis enfòmasyon, vizite <https://RWParkBuffalo.org>.

###